

REGLUR

um styrkveitingar til staðbundinna fjölmiðla.

1. gr.

Gildissvið.

Ákvæði reglnanna gilda um styrkveitingar til einkarekinna staðbundinna fjölmiðla, sem eru starfræktir utan höfuðborgarsvæðisins hér á landi.

2. gr.

Fjárveitingar.

Fjárveitingar til verkefnisins eru annars vegar framlag menningar-, nýsköpunar- og háskólaráðuneytis og hins vegar fjárveitingar á fjárlögum til verkefnis C.07 í byggðaaætlun.

3. gr.

Markmið.

Markmið með styrkveitingum til einkarekinna staðbundinna fjölmiðla utan höfuðborgarsvæðisins er að efla starfsemi þeirra, enda gegni þeir mikilvægu hlutverki við að tryggja aðgengi almennings að upplýsingum um menningar- og samfélagsmál og styðji með þeim hætti við lýðræðisþátttöku og menningarstarf.

4. gr.

Orðskýringar.

Í reglum þessum er merking eftirfarandi hugtaka sem hér greinir:

1. *Einkarekinn fjölmiðill* er fjölmiðill sem er hvorki í heild né að hluta í opinberri eigu, þ.e. hvorki opinberra hlutafélaga, ríkis, sveitarfélaga eða stofnana né í eigu félags eða annars lögaðila alfarið í þeirra eigu.
2. *Fjölbreytt efni* er efni sem birtist í fjölmiðlum og hefur breiða skírskotun. Í þessu felst að efnistöð séu almenn og fjölbreytt en ekki bundin við eitt afmarkað eða fá svið.
3. *Fjölmiðlaveita* er einstaklingur eða lögaðili sem starfrækir fjölmiðil.
4. *Höfuðborgarsvæðið* nær yfir sveitarfélögin Reykjavíkurborg, Kópavogsbæ, Hafnarfjarðarkaupstað, Garðabæ, Seltjarnarnesbæ og Mosfellsbæ.
5. *Staðbundinn fjölmiðill* er landshluta-, héraðs-, hverfis- eða bæjarmiðill sem hefur fyrst og fremst staðbundna efnisskírskotun og höfðar aðallega til notenda sem tengsl hafa við útbreiðslusvæði miðilsins.

5. gr.

Skilyrði fyrir styrkveitingu.

Skilyrði fyrir styrkveitingum til einkarekins staðbundins fjölmiðils utan höfuðborgarsvæðisins eru eftirfarandi:

- a. Fjölmiðill skal vera skráður eða hafa leyfi til hljóð- eða myndmiðlunar samkvæmt IV. kafla laga nr. 38/2011 um fjölmiðla.

- b. Fjölmíðlaveita skal hafa staðið skil á árlegri skýrslugjöf til fjölmíðlanefndar, skv. 23. gr. laga nr. 38/2011 um fjölmíðla og hafa veitt fjölmíðlanefnd fullnægjandi gögn og upplýsingar um eignarhald fjölmíðlaveitunnar, þar með talin gögn um raunverulegan eiganda og yfirráð.
- c. Fjölmíðlaveita sé ekki í vanskilum vegna opinberra gjalda eða afðreginna lífeyrисиðgjalda. Leggja skal fram staðfestingu á skuldastöðu við opinbera aðila og lífeyrissjóði.
- d. Aðalmarkmið fjölmíðilsins skal vera miðlun fréttar, fréttatengds efnis og umfjöllun um samfélagsleg málefni í viðkomandi héraði eða dreifingarsvæði miðilsins.
- e. Efni sem birtist í fjölmíðlinum skal vera fjölbreytt og ætlað fyrir almenning á útbreiðslusvæði fjölmíðilsins.
- f. Prentmiðlar skulu koma út reglulega og að lágmarki 12 sinnum á ári. Netmiðlar, hljóð- og myndmiðlar og aðrir sambærilegir miðlar skulu miðla nýju efni skv. d-lið eigi sjaldnar en á tveggja vikna fresti.
- g. Ritstjórnarefni skal að lágmarki vera 40% af því efni sem birtist í miðlinum og að minnsta kosti helmingur ritstjórnarefnisins varði útbreiðslusvæði miðilsins með beinum eða óbeinum hætti.

6. gr.

Umsókn.

Menningar-, nýsköpunar- og háskólaráðherra tekur ákvörðun um úthlutun styrkja til einkarekinna staðbundinna fjölmíðla utan höfuðborgarsvæðisins.

Menningar-, nýsköpunar- og háskólaráðuneyti auglýsir eftir umsóknum um styrki.

Ef fjölmíðlaveita starfrækir beint eða óbeint fleiri en einn staðbundinn fjölmíðil utan höfuðborgarsvæðisins sem uppfylla skilyrði 5. gr. reglnanna skal umsókn vera sameiginleg vegna þeirra beggja eða allra.

Í umsókn skulu meðal annars koma fram upplýsingar um meðalfjölda stöðugilda, fjölda verktaka, upplýsingar úr síðasta endurskoðaða ársreikningi um heildartekjur og útgjöld, ásamt bráðabirgðatölum um heildartekjur og útgjöld næstliðins árs. Einnig um útgáfutiðni, dreifingu og aðrar þær upplýsingar sem nauðsynlegar eru til að meta hvort umsækjandi uppfylli skilyrði skv. 5. gr.

Umsækjanda ber að staðfesta í umsókn að hann samþykki þær skuldbindingar sem hugsanleg styrkveiting felur í sér gagnvart ráðuneytinu um ráðstöfun styrkfjárins, upplýsingagjöf og fleira sem nánar er tiltekið á umsóknareyðublaði og í styrkveitingarbréfi.

Séu gögn ófullnægjandi skal veita umsækjanda frest til að skila inn fullnægjandi gögnum.

Við mat á umsóknum getur ráðuneytið aflað álits sérfróðra aðila um hvort skilyrði 5. gr. séu uppfyllt. Heimilt er að fela stofnun á málavíði menningar- og viðskiptaráðuneytis umsýslu með umsóknum og fleira. Kostnað við mat á umsóknum og annarri umsýslu skal greiða úr ríkissjóði af fjárveitingu til rekstrarstuðningsins.

7. gr.

Úthlutun og hámark styrkja.

Við úthlutun styrkja er miðað við að þeirri fjárhæð, sem veitt er til verkefnisins, verði skipt jafnt á milli umsækjenda sem teljast styrkhæfir skv. ákvæðum þessara reglna.

Fjárstyrkurinn skal eigi vera meiri en sem nemur helmingi af heildartekjum umsækjanda samkvæmt síðasta endurskoðaða ársreikningi og áætlun eða bráðabirgðaniðurstöðu um heildartekjur næstliðins árs.

8. gr.

Gildistími.

Reglur þessar eru settar á grundvelli 42. gr. laga um opinber fjármál, nr. 123/2015, og reglugerðar um styrkveitingar ráðherra, nr. 642/2018, og taka þegar gildi og gilda til 31. janúar 2026.

Menningar-, nýsköpunar- og háskólaráðuneytinu, 18. nóvember 2025.

Logi Már Einarsson.

Sigrún Brynja Einarsdóttir.

B deild - Útgáfudagur: 19. nóvember 2025